



REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMUNA JUNIK
OPŠTINA JUNIK - MUNICIPALITY OF JUNIK



REPUBLIKA E KOSOVËS/REPUBLIKA KOSOVA REPUBLIC OF KOSOVA KOMUNA JUNIK/MUNICIPALITY OF JUNIK	
Num. Dosje:	2-180/8951
Data Dosje:	27/09/2023
Qada:	

REFERENC-Ë:	Numër: 08-02/23
PËR/ZA/TO:	Anëtarët e Kuvendit Komunal Junik
NGA/OD/FROM	Shpejtim Gacaferi - Kryesues i Kuvendit Komunal Junik
DATË/A	31.08.2023
TEMA/SUBJEKAT/SUBJECT	Procesverbal

Në bazë të nenit 49 të Ligjit për Vetëqeverisje Lokale (Ligji Nr. 03/L-040, GZRK numër 28/2008), nenit 32 paragrafi 1 të Statutit të Komunës së Junikut, dhe nenit 18 paragrafi 1 i Rregullores së punës së Kuvendit të Komunës së Junikut, KK - Junik mbanë këtë:

PROCESVERBAL:

Me rastin e mbajtjes së mbledhjes së tetë (8) të Kuvendit të Komunës së Junikut, me datë: 31.08.2023, duke filluar në ora 10:00. Mbledhjen e hapi dhe e udhëhoqi Kryesuesi i Kuvendit Komunal të Junikut: z. Shpejtim Gacaferi: i cili në fillim përshëndeti, Kryetarin e komunës së Junikut z. Ruzhdi Shehu, nënkryetarin e Komunës së Junikut z. Besart Tofaj, drejtorët e drejtorive komunale, anëtarët të Kuvendit Komunal, zyrtarët Komunal dhe gjithë të pranishmit me pas konstatoi se mbledhje marri pjesë të 15 anëtarët e kuvendit. Në mbledhje nga drejtorët prezent ishin: znj. Leunora Shehu-DA, znj. Vjollca Qestaj-DBF, znj. z. Xhavit Velijaj DAKRS, z. Fatos Shala-DSHMS dhe z. Zenun Shala DUKM

Anëtarët prezent

1. Shpejtim Gacaferi - Kryesues, LDK
2. Sadri Krasniqi - Anëtar, LDK
3. Alfred Gaxherri - Anëtar, LDK
4. Mursel Salihaj-Anëtar, LDK
5. Ermelinda Llojluni - Anëtare, LDK
6. Lirjeta Shehu - Anëtare, LDK
7. Leonard Llojluni - Anëtar, AAK
8. Zenel Maloku - Anëtar, AAK
9. Dervish Bajraktari - Anëtar, AAK
10. Rajmonda Krasniqi - Anëtare, AAK
11. Erleta Qestaj - Anëtare, AAK
12. Festina Maloku - Anëtare, AAK
13. Lulzim Gacaferi - Anëtar, LVV
14. Eliza Pepshi-Anëtare, LVV
15. Xhemë Tofaj-Anëtar LVV

Rendi i ditës i paraparë

1. Arsytimi i mungesave në mbledhje,
2. Shqyrtimi dhe miratimi i procesverbaleve nga mbledhjet e Qershorit dhe Korrikut 2023,
3. Informatë mbi mbarëvajtjen e procesit të korrje-shirjeve në komunën e Junikut,
4. Nxjerrja e vendimit për fillimin e procedurave për ndryshim të Rregullores për Tatimin në Pronën e Paluajtshme për vitin 2024,
5. Nxjerrja e vendimit për fillimin e procedurave për plotësim-ndryshim të Rregullores për taksa, ngarkesa dhe gjoha komunale për vitin 2024,
6. Informatë lidhur me përgatitjet për vitin e ri shkollor 2023/2024,
7. Informatë lidhur me Qarkoren Buxhetore 2024/26 të Ministrisë së Financave,
8. Pyetje nga anëtarët e kuvendit.

z.Shpejtim Gacaferi, kërkesë rreth rendit të ditës nuk ka, e qes në votim rendin e ditës të propozuar, kush është për? për 15 vota, kundër 0 vota, dhe abstenim 0 vota, konstatohet se rendi i ditës u miratua.

1. Arsytimi i mungesave në mbledhje,

z.Shpejtim Gacaferi, mungesa nuk ka te gjithë anëtarët e kuvendit janë prezent në sallë.

2. Shqyrtimi dhe miratimi i procesverbaleve nga mbledhjet e Qershorit dhe Korrikut 2023,

z.Shpejtim Gacaferi, fillimisht po e shqyrtojmë procesverbalin e muajit Korrik-2023 pasi që ju kam dërguar me kohë, më pastaj kur ta kemi nga një kopje të procesverbalit të muajit Qershor-2023 e shqyrtojmë dhe e miratojmë nëse jeni të gjithë dakord.

z.Zenel Maloku, përshëndetje për të gjithë, sa i përket procesverbalit të muajit korrik, nuk jam i kënaqur me këtë procesverbal sepse ne të nuk janë shkruar fjalët që janë thënë, kjo nuk është vërejtja e parë por e shumta herë që bëjë vërejtje, dhe besoj se në komunë ka persona të aftë që mundën me e kryer ashtu siç duhet procesverbalin, nuk është mirë që njeriu që bënë një bisedë mos të shkruhet, konkretisht fjala është të fjalla e drejtorit ku bëhet fjalë rreth ndërtimit të urës në rrugën e fshatit Jasiq, kur është bërë pyetja sa ton beton do të futen në këtë urë, drejtori është përgjigjur $310m^3$ ndërsa në procesverbal është $342m^3$, ju ka bërë pyetje për hekur, drejtori është përgjigjur 28 ton e 900kg, në procesverbal nuk i kanë shënuar hiq 900kg, dhe sipas meje këto sene nuk janë të mira, çështja tjetër është me aq sa di se a me ke thënë ti kryesues apo kryetari me kenë thënë se nuk ke nevojë me e vetë kaq fellë, kjo nuk është e shkruar hiq, kjo do duhet të jetë e shkruar, unë e di se si delegat kam të drejtën të pyes, por nuk kam të drejtën të ofendoj askënd, andaj kjo do duhej të jeje e shënuar në këtë procesverbal.

z.Shpejtim Gacaferi, ne procesverbal në esence duhet te ketë përmbajtjen e diskutimit rreth një pike te rendit te ditës, nuk është e thënë te jete i tere diskutimin , por edhe përkundër kësaj ne çdo procesverbal e shqyrtojmë dhe e miratojmë ndonjë pa vërejtje por edhe ndonjë me vërejtje.

z.Leonard Lolluni, përshëndetje për te gjithë, fjalët qe i tha z.Zenel Maloku, mua me kujtohen se ato ashtu kanë qenë, ti kryesues ke ndërhyrë edhe pse nuk ke te drejtë te ndërhysh dhe ke thënë se nuk ke nevojë te pyetesh aq fllë, dhe kjo fjali është dashur te shkruhet ne procesverbal.

z.Shpejtim Gacaferi, vërejtje tjera nuk ka, e qes ne votim me këto ndryshime qe u ceken nga z.Zenel Maloku qe procesverbalin e muajt korrik-2023 te miratohet, kush është për? për 10 vota, kundër 2 vota dhe abstenim 3 vota, konstatoi se procesverbali i muajt korrik-2023 miratohet me vërejtjet e cekura.

3. Informatë mbi mbarëvajtjen e procesit të korrje-shirjeve në komunën e Junikut.

Informatën e beri z.Besart Tofaj-nënkryetar i Komunës se Junikut, i cili fillimisht i përshëndeti te gjithë me pas e informoje anëtarët e kuvendi mbi mbarëvajtjen e procesit te korrje-shirjeve ne Komunën e Junikut.

4. Nxjerrja e vendimit për fillimin e procedurave për ndryshim të Rregullores për Tatimin në Pronën e Paluajtshme për vitin 2024.

Sqarimin dhe arsyetimin e vendimit për fillimin e procedurave për ndryshim te rregullores për tatimin ne pronën e paluajtshme për vitin 2024 e beri znj.Vjollca Qestaj, drejtoreshe ne DBF, e cila fillimisht i përshëndeti te gjithë dhe me pas e sqaroi dhe e arsyetoj para anëtarëve te kuvendit, nxjerrja e vendimit për fillimin e procedurave për ndryshim të rregullores për tatimin në pronën e paluajtshme për vitin 2024.

z.Shpejtim Gacaferi, kerkese tjeter nuk ka, e qese ne votim, nxjerrja e vendimit për fillimin e procedurave për ndryshim të Rregullores për Tatimin në Pronën e Paluajtshme për vitin 2024, kush është për? për 15 vota, kundër 0 vota dhe abstenim 0 vota, konstatoi se nxjerrja e vendimit për fillimin e procedurave për ndryshim të Rregullores për Tatimin në Pronën e Paluajtshme për vitin 2024 u miratua.

5. Nxjerrja e vendimit për fillimin e procedurave për plotësim-ndryshim të Rregullores për taksa, ngarkesa dhe gjoha komunale për vitin 2024,

Edhe sqarimin dhe arsyetimin e nxjerrja e vendimit për fillimin e procedurave për plotësim-ndryshim të Rregullores për taksa, ngarkesa dhe gjoha komunale për vitin 2024, e beri znj.Vjollca Qestaj drejtoreshe ne DBF.

z.Leonard Llojuni, a është planifikuar diçka të ndryshohet në këtë rregullore apo do të mbetet e njejta.

z.Shejtim Gacaferi, fillimisht në sot marrim vendim për fillimin e procedurave me pas Kryetari formon komision dhe komisioni parasheh a do të ketë ndryshime a jo kjo rregullore dhe me pas vjen për miratim këtu në kuvend, dikush tjetër nuk është paraqitur për fjale kështu që e qes në votim, nxjerrja e vendimit për fillimin e procedurave për plotësim-ndryshim të Rregullores për taksa, ngarkesa dhe gjoba komunale për vitin 2024, kush është për? për 15 vota, kundër 0 vota, dhe abstenim 0 vota, konstatoi se nxjerrja e vendimit për fillimin e procedurave për plotësim-ndryshim të Rregullores për taksa, ngarkesa dhe gjoba komunale për vitin 2024, u miratua.

6. Informatë lidhur me përgatitjet për vitin e ri shkollor 2023/2024,

Informatë lidhur me përgatitjen e vitit të ri shkollor 2023/2024 e bëri z.Xhavit Velijaj, drejtor në DAKRS, i cili fillimisht i përshëndeti të gjithë me pas i informoj anëtarët e kuvendit lidhur me fillimin e vitit të ri shkollor 2023/2024.

z.Leonard Llojuni, unë kam një pyetje, sa është numri i nxënësve që e kanë regjistruar klasën e parë, dhe sa për informacion, në "Dukagjin" në asnjë librari nuk mundesh ti gjeni të gjitha tekstet shkollore.

z.Xhavit Velijaj, për në klasën e parë për momentin i kemi të regjistruar 40 nxënës, por duke ditur se nuk i respektojnë afatet e parapara ligjore numri i tyre mund edhe të shtohet, mirëpo në këto qaste i kemi vetëm 40 nxënës të regjistruar ku i kemi ndarë në tri paralele, ndërsa sa i përket furnizimit me libra, ky nuk është problemi i yni, në gjithmonë e kemi paraqitur si shqetësim furnizimin me libra në komune tone sepse një librari që merret vetëm me furnizimin me libra në komunën tonë nuk kemi, është si miks librari, dhe ne e dimë se këtë radhë do të jetë sfida për prindët që ti furnizojnë fëmijët me libra këtë vit, dhe në këtë mënyrë është një dështim i ministrisë për mos furnizimin me libra nxënësit si vitet tjera.

z.Lulzim Gacaferi, përshëndetje për të gjithë, unë desha të ndërlidhem me ndërtimin e objektit të ri të shkollës që është ende duke u ndërtuar, ju thotë se ka shumë punë pa kryer, dhe unë po dua të di se a ekziston një afat kohor për përfundimin e të gjithave punimeve që janë të parapara me kontratë, sa keni marrë masa ju si komunë të operatori ekonomik që punimet të kryhen me kohë, dua të ndërlidhem edhe me atë që the furnizimi me libra është dështim i ministrisë, ajo nuk qëndron, ministria e ka ndalë një të keqe, siç dihet ministria e kaluara për një nxënës për ta pajisur me libra kanë paguar 328€, ndërsa qeveria ka ndalë këtë të keqe që taksat e taksapaguesit t'atë mos të shkojnë në adresë të gabuar, thotë po ashtu se e keni siguruar lëndën djegëse për dimër, ku e keni siguruar dhe kur do të vijë ajo lënda djegëse?

z.Ruzhdi Shehu, përshëndetje për të gjithë, desha të përgjigjem sepse kame informatë të saktë, është e vërtetë që furnizimi me libra do të bëhet, aplikimi duhet të bëhet nga ana e prindërve në platformën e-Kosova, dhe nuk do të ketë asnjë pengesë që furnizimi të bëhet me kohë, ndërsa sa i përket objektit të ri të shkollës, ka një kontratë që është e lidhur me operatorin ekonomik dhe Ministrinë e Arsimit, kontrata është zgjatur prap për shkak të problemeve të implementimit, dhe

se unë mendoj se deri në fund të shtatorit do të kryhen të gjitha punët dhe objekti i ri i shkollës do të jetë në disponim të vijimit të mësimi, ndërsa sa i përket furnizimit në lëndë djegëse, në kemi një kontratë dhe furnizimi me këtë lëndë do të bëhet me kohë.

z.Xhavit Velijaj, furnizimi me lëndë djegëse dru është kryer për Gjimnaz, ndërsa sa i përket furnizimit me "pelet" për shkollën fillore në kemi bërë një kërkesë që të kemi furnizim edhe për objektin e ri të shkollës dhe kjo është në procedura të prokurimit dhe besoj se furnizimi do të bëhet me kohë.

z.Leonard Lolluni, desha të di nga drejtori, se në sa paralele do të ndaje nxënësit e klasës së parë.

z.Xhavit Velijaj, do të ndajmë në tri paralele.

z.Zenel Maloku, desha të di se moshë e pranimit në klasën e parë a është nga gjashtë vjeç, shtatë vjeç apo si, a ka moshë të caktuar që me sa vjeç duhet të pranohen në klasën e parë? Dhe çështja tjetër është, në raportin e fundit që keni bërë keni thënë se nota mesatare ka dale 3.8 apo 4.0 nuk e di, por unë kisha thënë që këtë vit bashkërisht të angazhohemi edhe me profesor që nota mesatare të bëhet 5.00.

z.Xhavit Velijaj, sa i përket moshës së pranimit në klasën e parë është e rregulluar, për parashkollorë është nga 5-6 vjeç, ndërsa për klasën e parë është nga 6-7 vjeç.

znj.Rajmonda Krasniqi. Përshëndetje për të gjithë, unë desha të pyes se a fillon mësimi zyrtarisht nesër e Premte datë 01.09.2023? sepse po jemi në dilema se në ora 10, apo 11.

z.Xhavit Velijaj, nuk ka dilema kjo çështje është e vendosur në bazë të udhëzimit administrativ dhe ky vit shkollorë fillon me 1 shtator 2023.

7. Informatë lidhur me Qarkoren Buxhetore 2024/26 të Ministrisë së Financave,
Informatën e dha z.Arten Hamza zyrtarë i Lartë për Buxhet në DBF, i cili fillimisht i përshëndeti të gjithë dhe me pas e informoi anëtarët e kuvendit mbi qarkoren buxhetore 2024/2026.

8. Pyetje nga anëtarët e Kuvendit

z.Lulzim Gacaferi, desha të bëjë pyetje rreth lumit "Erenik". ju e dini se në ndërtimin e shtrati të lumit "Erenik" është investuar shumë para, dhe gjendja momentale e këtij shtrati është katastrofale, dhe desha të di nga drejtori për kadastër dhe urbanizëm se a keni punuar në atë drejtim që shtrati i lumit "Erenik" të rinovohet, a keni marrë masa ndaj atyre, të cilët kanë qenë të caktuar nga ish pushteti i kaluar për inspektimin e punimeve, punime këto që kanë qenë të përgjysmuara, dhe kur do të rinovohet dhe të punohet shtrati i lumit "Erenik".

z.Zenun Shafa, përshëndetje për të gjithë, ne jemi në proces e sipër të përgatitjes projektin dhe shpejt do të dalë në prokurim për tenderim në gjatësi 4km, ndërsa sa i përket punëve që janë

kryer nuk kemi marrë kurrfarë masash administrative, vërsimet e fundit e kanë dëmtuar shumë shtratin e lumit Erenik dhe vlerësimi i këtyre dëmeve është deri në 350000€ , me çka e kemi informuar edhe ministrinë e infrastrukturës për këto dëme.

z.Lulzim Gacaferi, drejtor thotë se nuk kemi marrë masa ndaj atyre që kanë inspektuar punët gjatë ndërtimit të shtratit të lumit Erenik, duhet ta dini drejtor se ne dhe ju marim pagë nga taksapaguesit e këtij shteti dhe e kemi për obligim që të meremi me këta persona që pushteti i kaluar i ka zgjedhur të bëjnë inspektimin e këtyre punëve e që sipas informatave nuk kanë qenë të profesionit të duhur që të bëjnë inspektime dhe për këtë arsye kemi një gjendje të tillë çfarë është sot të shtratit të lumit Erenik.

z.Leonard Llojuni, unë kam pyetje për drejtorin e shëndetësisë z.Fatos Shala, para tri jave ka ndodhur një aksident i vogël në Junik afër lokacionit "Livadhi i Madh" ku vajzat e z. Gëzim Krasniqi kanë pësuar aksident me motor, fatmirësisht jo me fatalitet, mirëpo sipas asaj që prindi me ka informuar, ai ka thirrë në QKMF, dhe i kanë thënë se ne nuk kemi me çka me ardhur atje, përkundër kësaj ai i ka sjellë vet në QKMF, vajzat dhe kur i ka sjellë në QKMF i kanë thënë, masi i ke pruar vet deri këtu qojë vete për Deçan apo për në Pejë, ky është një gjest jo i mirë dhe nuk guxon të ndodhë.

z.Fatos Shala, përshëndetje për të gjithë, unë informatë prej prindit të vajzave nuk kam pasur, por kam pasur një informatë nga një mik i këtij prindi për këtë ngjarje, rasti ka ndodhur me datën 10.08.2023 në ora 14:17 minuta, dhe unë menjëherë e kam informuar dr.Ali Kuçin, i cili përkundër se ishte në pushim vjetor i ka thirrur shoferët e auto ambulancës që të jenë të gatshëm, dr.Alisë i kanë propozuar që të shkojë deri në Jasiq dhe nga aty ti bart me autoambulancë pacientët, mirepo dr.Alia është një profesionist i madh dhe për mos më i maltretuar pacientët nga një makine në një makinë tjetër, kjo ka qenë ndërsa sa i përket asaj pjesë jo qoj vete për Deçan apo Pejë, për këtë pjesë nuk kam informatë.

z.Leonard Llojuni, unë nuk dua të futem me fella sepse prindi i ka inxhizimet se me ke ka biseduar por ajo çka po dua është që të merni masa dhe të mos na ndodhin me kësaj rastesh.

z.Zenel Maloku, unë pyetje nuk kam por kam një ankesë rreth komunës dhe QKMF-se, i kemi pasur dy raste që kanë ndodhur në bjeshkë që është dashur të shkojnë mjeket por nuk kanë pasur me çka të shkojnë, e kam cekur në këtë sallë të kuvendit që QKMF-ja ta marrë një automjet të Komunës që është i përshtatshëm për rrugët malore dhe të bjeshkës dhe ta ketë në dispozicion të kohës, ne jemi dëshmitar se kemi për ditë persona që shkojnë për bjeshkë dhe mund të kemi prap raste të tilla por që të jenë me afër çdo rasti QKMF duhet ta ketë një auto veturë të këtillë, kjo ishte edhe ankesë por njëkohësisht është si kërkesë që QKMF-ja ta ketë një automjet të tillë, çështja tjetër është për tu përgëzuar komuna i ka vendosur dy shenja komunikacioni të xhamija, me erdhe mirë kur i pashë por në anën tjetër u zhgënjeha se pse nuk i kemi vendosur edhe në pjesët tjera, a nuk kemi para apo çka është në pyetje.

z.Xheme Tofaj, përshëndetje për të gjithë, në lagjen Gacafer, me herët ka pasur "Policë të Vdekur" për ngadalësimin e shpejtësisë, ato tash më i ka hekur dikush, a kemi informatë se kush i ka hequr dhe a do të merni masa që ti rivendosni sepse në atë pjesë shoferët po i ngasin me shpejtësi të lartë automjetet dhe po paraqesin rrezik për banorët e kësaj lagje.

z.Ruzhdi Shehu, policia do të jetë në vëzhgime edhe në atë lagje, tash i kanë shtuar kapacitete dhe se besojë se do ta vëzhgojnë lagjen Gacafer edhe me shume, ndërsa sa i përket rivendosjen e këtyre "policëve të vdekur" nuk kemi parapare që ti ri vendosim.

znj.Rajmonda Krasniqi, pata një kërkesë për drejtorin e shërbimeve por ai nuk është prezent kështu që po ju drejtona juve kryetar, te rruga afër shtëpisë së z.Ismet Hehibi ne trotuar është një gropë e hapur, por e mbuluar nga bari, dhe unë dje isha me djalë duke ecur në atë pjesë po të mos isha unë afër djalit d te binte në atë gropë se ishte koggja e thellë, unë kisha kërkuar që ta shikoni dhe të merrni masa para se dikush ta pëson ndonjë lëndim.

z.Lulzim Gacaferi, edhe unë pata pyetje për drejtorin e shërbimeve por ai nuk është këtu , kështu që po i drejtohem kryetarit, a i keni vërejtur shume rrugë nëpër komunën e Junikut janë të ngushtuara nga shkurret ne te dy pjesët e rrugës, dhe kanë pamundësuar shndërrimin e dy automjeteve, këto rrugë janë rrugë lokale a keni paraparë që këto rrugë të i mirëmbani, ndërsa çështja tjetër është, ne trotuari nga qendra për në lagjen "Krasniq", ka shtylla elektrike mu ne mesë të trotuarit, dhe unë kërkojë që ti shikoni mundësit që ato shtylla të largohen nga trotuari dhe të vendosen diku tjetër.

z.Ruzhdi Shehu, ne jemi duke e dizajnuar një projekt për qendrën, ku ne te janë te parapara te gjitha detajet, qofte për trotuarët, ndriçimin te gjitha, dhe si projekt është në përfundim e sipër, tash po presim me gjete edhe fonde dhe me be kontraktimin, çështje tjetër ka te beje me autoambulancën, a i keni bere servisim këtij autoambulancës, nëse i keni bere është diçka shume e mire por ajo çka mua po me intereson eshte , shoferi që nga atë autoambulance a ka kryer trajnim sepse ajo është autoambulance dhe automjet privat, drejtor sa keni punuar që QKMF _ja te jete funksionale 24 ore, për aparaturnë rëntgen e kemi diskutuar ne këtë kuvend me dhjeta here, kur do te jete funksional, por nese nuk mundeni ta bëni funksional, a keni parapare që atë aparature ta shiti ni që ta mere ndonje kompani, që mjetet ka kjo shitje ti marim dhe ti vendosim në ndonjë sektor tjetër ku eshte nevoja.

z.Fatos Shala, sa i përket autoambulancës ajo është servisuar, është servisuar komplet me gjithë goma, para dy apo tri jave, tani është në gjendje shumë të mirë, kemi nevojë prap te një autoambulancë por edhe të shoferave, dhe ne me herët kemi hapur konkurs për pranimin e shoferit te ri dhe ne kushtet e kërkuar për pranim nuk ka patur kushte tjera përpos ta ketë patentën për kategorinë b e caktuar, pyetje rreth ndihmës së parë dhe dokumentet tjera si çdo punëtor që rekrutohet, ndërsa sa i përket funksionimit te QKMF _se 24 ore, çështja tash është në prokurim dhe prokurimi ka afatet e veta kështu që ne jemi duke pritur.

z.Leonard Llofluni, sa i përket QKMF _se ka shume ankesa, por unë do e them atë që mua vete me ka ndodhur me djalin ti që është njëvjeçar dhe kam pasur për ta vaksinuar, dhe kur kam shkuar aty me kanë thënë se mjekja nuk është dhe ka shkuar në pushim dhe nuk ka zëvendësuar, drejtori duhet te planifikoj se kur dikush prej stafit është në pushim duhet ti zëvendësoj, ndërsa sa i përket vendosjes së shenjave të komunikacionit, keni vendosur stop aty te rruga e shtëpisë time, mire që e keni vendosur nuk jam kundër por në një rrugë me poshtë e që ka kycje me te rrezikshme në rrugën kryesore nuk keni vendosur asnjë shenje.

z.Fatës Shala, orarin e QKMF-se e bene drejtori i QKMF-se, e sa i përket vaksinimit, kam informata nga stafi se stafi i QKMF-se i thrrasin prindit qe ti bane fëmijët e tyre për vaksinim, por sipas kësaj qe thua rusti është ma ndryshe dhe do ta hulumtoj.

z.Dervish Bajraktari, përshëndetje për te gjithë, unë pata një pyetje lidhur me rrugën e re qe ka përfunduar dhe qe ishte investimi me madhe ne shume prej 140000€, rruga "Bajraktar-Gaxherr", dhe menjëherë pas një jave kemi një prerje te asfaltit, a e ka njoftuar ai person komune për prerje te asfaltit, a ka marë leje nga komuna, a ka mundur qe ky kanal te ndërtohet para se te behet asfaltimi, për mua kjo është diçka e keqe sepse sapo e përfunduar një rruge filloj prerja.

z.Lulzim Gacaferi, desha te pyes lidhur me ndërtimin e pjerrinës(urës për persona me nevoja të veçanta) qe është duke u ndërtuar këtu ne oborrin e objektit te komunës, a ju ka ra ne sy ky ndërtim qe ishte duke e çoroditur ter vendin, e kishte shëmtuar komunën e Junikut, dhe ky ndërtim është për te ardhur me te vërtetë keq, kush është mbikëqyrës i këtyre punimeve dhe kush e mere përgjegjësinë për këto punime, unë kërkojë nga ju qe operatorit ekonomik qe është duke bere këto ndërtime ti ndërpriten punimet.

z.Zenun Shala, ky është investim i BE-se, ata e kanë berë përzgjedhësin e operatorit ekonomik, ata e kanë ne mbikëqyrje këtë projekt, e janë ka qen qe ti hapim dyer dhe ta pranojmë këtë projekt, dhe ne kur e kemi parë se si është duke u kryer këto ndërtime e kemi ndërprerë punën, e kemi njoftuar punëkryesin dhe menagjerin e projektit se janë ndalë dhe nuk mundet te vazhdohet kështu siç janë duke punuar.

z.Zenel Maloku, desha te pyes lidhur me emërtimin e rrugëve, emërtimi i rrugëve siç e dimë ka përfunduar por me intereson te di se kur do ti vendosni tabela me emra te rrugëve.

z.Ruzhdi Shehu, shenjëzimi i emërimit te rrugëve është ne proces, te dhënat se si janë te emërtuar rrugët i kanë marre dhe po presim qe me ardhur me i vendos ato tabela, edhe kjo do të financohet nga fondi i BE-se dhe besoj se shumë shpejtë do te fillojnë me këtë projekt jo vetëm tek n por ne te gjitha komunat ku nuk ka përfunduar shenjëzimi i emërimit te rrugëve.

z.Lulzim Gacaferi, kulla qe është ndërtuar ne "Moronicë", ne e dimë se ende nuk ka përfunduar dhe po dua te di se ku qëndron problemi se per se nuk ka përfunduar, dhe ekziston kontrate qe tregon afatin se kur do te përfundon ky ndërtim, po ashtu për objektin valavica qe gjendet afër shtratit lumit erenik, ne e dimë se me pare e kanë pasur ne shfrytëzime disa persona si shisha bare, po me intereson te di se tani çfare funksioni ka ky objekt dhe çka parashihni te bëni me të, sepse nëse vazhdoni ta leni kështu ky objekt mund te dëmtohet dhe ky objekt ka kushtuar për mbi 120000€.

z.Ruzhdi Shehu, objektin e valavices mendojmë ta japim për aktivitet te grave, për nevoja kulturore, trashëgimie, dhe jemi duke pritur se a po shprehin interesim dikush, ndërsa për kullën ne moronice, ju e dini se për te përfunduar duhet buxhet shitesë dhe jemi me shprese dhe kemi bere kërkesë ne ministrit e linjës, ne mënyrë qe ta përfundojmë këtë objekt, për momentin jemi duke e ndërtuar një kanalizim te ujërave te zeza.

z. Leonard Llojani, deshat ta pyes kryetarin se a ka drejtor qe i ka sjellur komunës se Junikut një donacion? Nese ka kush është dhe cilin projekt e ka sjellë.

z. Ruzhdi Shehu, po ka, por për momentin nuk i kam projektet përpara qe te di saktësisht por po ka, dhe se ne mbledhjen e radhës mundem te informoj.

z. Xhavit Velijaj, sa i përket donacionit te sjellur nga drejtorive, e kemi ndërtimin e qerdhes për fëmijë qe është donacion dhe është në proces te ndërtimit.

z. Lulzim Gacaferi, kur do te behet zërimi i asamblesë komunale në Junik kryesues? a ju ke drejtuar zyres se kryetarit apo drejtorisë se Administratës me shkrim, është i vetmi kuvend komunal ne Republikën e Kosovës pa zërim.

z. Shpejtim Gacaferi, pse duhet unë me be zërimin e asamblesë, edhe këtë sallë siç e menaxhon edhe tërë objektin e komunës e menaxhon drejtoria e administratës, dhe kjo nuk është çështje kryesuesit te kuvendit te Junikut, meqë jemi ne fund te mbledhjes, na ka mbetur ta shqyrtojmë edhe procesverbalin e muajt Qershor-2023, nëse nuk ka dikush ndonjë vërejtje atëherë kush është për? për 15 vota, kundër 0 vota dhe abstenim 0 vota, konstatoj se procesverbali i muajt Qershor 2023 u miratua, me kaq e shpalli te mbyllur mbledhjen e korrikut 2023.

Procesmbajtësi:

z. Esat Hoxha



Kryesuesi i Kuvendit:

z. Shpejtim Gacaferi

